

醫

學

心

悟



醫學心悟第二卷

天都普明子程國彭

傷寒門

傷寒類傷寒辨

傷寒六經見症法

太陽經症

頭痛  
惡風寒  
項脊強  
身痛  
脈浮  
四肢拘急  
發熱

陽明經症

目痛鼻乾  
脣焦漱水不欲飲  
脈長

少陽經症



耳聾 胸滿 脇痛 目眩 口苦 嘔吐  
寒熱往來 頭汗 盜汗 舌胎滑 脈弦

太陰經症

腹滿痛 下利 脈沉

少陰經症

口燥咽乾 咽痛 下利清水 目不明

厥陰經症

少腹滿 舌卷囊縮 厥逆 消渴

太陽腑病

口渴溺赤

陽明腑病



潮熱 譫語 狂亂 不得眠 燥渴  
手足心腋下汗 便閉 轉失氣

論裏中之裏

陽明本症用藥法 陽明兼症用藥法

合病併病

直中三陰諸症

腹中冷痛 嘔吐清涎沫 下利清穀 但欲寐  
身重 四肢厥冷 脈沉細無力 吐衄 身痛如被杖 囊縮 舌黑而潤

兩感

傷寒兼症

咳嗽 咽痛 吐血 鼻衄 便膿血 畜血  
動陰血 鼻衄鼻鳴 不能言 舌難出 溫瘧



身重難轉側發黃瘰癧斑疹結胸痞氣  
身熱惡寒身寒惡熱  
小便不利遺溺呃逆懊憹鬱冒奔豚  
身熱惡寒身寒惡熱  
勞復食復陰陽易狐惑陽毒陰毒百合病  
癰病除中氣上冲心陰躁似陽躁陽厥似陰厥



傷寒諸方目錄

太陽經症

桂枝湯  
加味香蘇散

麻黃湯  
柴胡解肌湯

陽明經症

葛根湯

少陽經症

小柴胡湯

太陰經症

大柴胡湯

少陰經症

小承氣湯  
甘桔湯

大承氣湯

太陽腑病

五苓散

陽明腑病

白虎湯  
調胃承氣湯

直中三陰諸症

附子理中湯  
白通加猪膽汁湯

四逆湯  
理中安臥湯

咳嗽

止嗽散  
小半夏散

加茯苓湯



吐血 犀角地黄湯

畜血 桃仁承氣湯

語言難出 萎蕤湯

發黃 梔子柏皮湯

茵陳蒿湯  
茵陳木附湯

瘧 加減小續命湯

斑疹 三黃解毒湯

結胸痞氣 小陷胸湯

大陷胸湯  
枳實理中丸

半夏瀉心湯

筋惕肉瞤 真武湯

呃逆 扁鵲丁香散

懊憹 梔子豉湯



鬱冒 導赤散

勞復 人參三白湯

狐惑 雄黃丸

陽毒 梔子湯

百合病 百合知母湯

壞病 羊肉湯

氣上衝心 瓜蒂散

諸方補遺

姜附湯

桂枝附子湯

保和湯

二陳湯

香薷飲

藿香正氣散

補中益氣湯

枳櫚散



四物湯

甘草附子湯

八味丸

桂枝加芍藥湯

六味地黃湯

酸棗仁湯

逍遙散

歸脾湯

桂枝甘草湯

澤蘭湯

麻黃附子細辛湯

十棗湯

大參膏

當歸補血湯

小青龍湯

五味異功散

十全大補湯

代抵當丸



# 傷寒類傷寒辨

傷寒者冬令感寒之正病也。類傷寒者與傷寒相似而實不同也。世人一見發熱輒曰傷寒。率爾發表。表之不去。則以和解清涼諸法繼之。其間有對症而卽愈者。有不對症而不愈者。有幸愈而垂危復生者。皆由施治之初辨症未明也。夫有一病卽有一症。初時錯治。則輕者轉重。重者轉危。卽幸安全。性命已如懸縷。大可懼耳。予因著六氣相雜須辨論提醒斯世。茲更反覆叮嚀。條列於左。俾入門診視先取而明辨之。初劑不差。勝於救逆良多矣。學者其致思焉。

一霜降以後。天令嚴寒。感之而卽病者。正傷寒也。其症發熱惡



寒頭項痛。腰脊強。身體痛。但脈浮緊。無汗。爲傷寒。脈浮緩者。汗爲傷風。寒用麻黃湯。風用桂枝湯。予以加味香蘇散代之。隨手而愈。

一冬時感寒。不卽發。伏藏於肌膚。至春因溫氣感觸而發者。曰溫病。春猶不發。至夏因熱氣感觸而後發者。曰熱病。其症頭痛發熱。與正傷寒同。但不惡寒而口渴。與正傷寒異耳。柴葛解肌湯主之。

一四時之中。有不頭痛發熱。卒然惡寒。厥冷。口鼻氣冷。嘔吐痛瀉。面青脈遲者。中寒也。姜附湯主之。

一冬時當寒不寒。乃更溫煖。因而衣被單薄。以致感寒而病者。



冬溫也。冬溫之症，表寒內熱，香蘇散加清藥主之。

一夏秋之間，天時暴寒，人感之而卽病者，時行寒疫也。亦有時非寒疫，而其人乘風取冷，遂至頭痛發熱者，名曰感冒。其見症與正傷寒略同，但較輕耳。香蘇散主之。

一夏月有頭痛身熱，自汗煩渴者，傷暑也。加減香薷飲以主之。暑症與熱病相似，但熱病初起無汗，暑病初起自汗。熱病脈盛，暑病脈虛。此爲異耳。然有傷暑中暑閉暑之別。治法詳本門。

一夏月有病，頭痛發熱，身重腹滿，譫語自汗，兩脛逆冷者，濕溫也。其人常傷於濕，因而中暑，暑濕相搏，名曰濕溫。切忌發汗。



汗之名重。獨爲難治。蒼朮白虎湯主之。按傷寒發厥。脛冷。背亦冷。濕溫發厥。脛冷。臂不冷。以此爲別。

一頭痛發熱與傷寒同。而人身重。默默但欲眠。鼻息鼾。語言難出。四肢不收者。風溫也。不可發汗。加減萎蕤湯主之。

一發熱惡寒似傷寒。而脈細。身重。不能自轉側。或頭汗出者。風濕也。不嘔不渴。桂枝加附子湯主之。

一病人嘔吐而利。或頭痛腹痛。惡寒發熱者。霍亂也。霍。昏正氣散主之。

一病人身熱面赤。目脈赤。項強。獨頭搖。卒然口噤。背反僵者。瘧也。無汗爲剛。瘧有汗爲柔。瘧加減續命湯主之。瘧病有外感。



內傷之異有三陰三陽之別。詳見本門。

一發熱似傷寒。但身不痛。石手氣口脈繁中。皖痞悶。愛腐吞酸者。此傷食也。保和湯主之。

一病人煩熱似傷寒。而脈來虛軟無力。頭痛時止時作。肢體倦怠。語言懶怯者。虛煩也。補中益氣湯主之。

一病痰喘似傷寒。但胸滿氣急。脈弦滑者。痰也。二陳湯主之。痰亦有痰風寒而發者。宜加散劑。

一惡寒發熱。與傷寒相似。而病起自腳。兩脛腫滿者。腳氣也。腳氣不離乎濕。栴榔散主之。然亦有兩足忽然枯細者。俗名乾脚氣。此爲風燥之症。四物加牛膝木瓜主之。



一病人脈浮數發熱惡寒而痛偏著一處飲食如常者畜積有膿也。外癰內癰皆見此候。何爲內癰。大抵口內咳。胸中隱隱而痛。吐涎腥臭者。肺癰也。腹皮膨急。按之則痛。便數如淋。轉側作水聲者。腸癰也。胃脘隱隱而痛。手不可近。時吐膿者。胃脘癰也。書云。嘔家有膿。不須治。嘔盡膿自愈。不可誤也。

一發熱似傷寒。而其人或從高墜下。跌仆損傷。或盛怒叫呼。七情過度。或過於作勞。以致胸腹脇間有痛處。着而不移。手不可按者。畜血也。澤蘭湯主之。此與癰腫有別也。

以上諸症有與傷寒相類而治法不同者。有與傷寒相似而實不同類者。亦有傷寒與雜症相兼而互至者。務在臨病之初辨。



明投劑。庶一七回春。實實虛虛之禍可免矣。

### 傷寒六經見症法

六經者。太陽陽明少陽太陰少陰厥陰也。三陽有經有腑。三陰有傳有中有太陽之經。即有太陽之腑。膀胱是也。有陽明之經。即有陽明之腑。胃是也。有少陽之經。即有少陽之腑。膽是也。然膽爲清淨之腑。無出入之路。故治法如經也。三陰有傳經者。由三陽而傳入三陰。此熱邪也。有直中者。初起不由陽經傳入而直中三陰。此寒邪也。茲數者。乃傷寒見症之綱領也。

### 太陽經症

太陽經病。頭痛發熱。項脊強。身體痛。鼻鳴乾嘔。惡風自汗。脈浮。



緩者名曰中風宜解肌。桂枝湯主之。若前証悉具惡寒無汗脈浮緊或喘嗽者名曰傷寒宜發表麻黃湯主之。

桂枝湯

桂枝一錢五分  
分去皮

芍藥一錢五分

甘草一錢  
炙

生姜一錢五分

大棗四枚  
去核

右五味以水四大鍾微火煮取二鍾半去渣溫服服已須臾啜稀粥數升以助藥力溫覆令一時許遍身漿漿微似有汗者益佳不可令如水流漓病必不除若一服汗出病瘥停後服若不汗更服依前法若病重者一日一夜周時觀之若病症猶在者乃服至二三劑禁生冷粘滑肉麪五辛酒酪



等物

麻黃湯方

此方不宜於東南。多宜於西北。西北稟厚。風氣剛

勁。必須此藥開發。乃可疏通。實為冬令正傷寒之的劑。若東南則不可輕用。體虛脈弱者受之。恐有汗多亡陽之慮。

麻黃

四錢  
去節

桂枝

二錢  
去皮

甘草

一錢  
炙

杏仁

十二枚  
去皮尖

右四味以水四大鍾。先煮麻黃減一鍾。去上沫。納諸藥。煮取

二鍾。去渣溫服。覆取微似汗。不須啜粥。餘如桂枝湯法。

加味香蘇散

有汗不得服。麻黃無汗不得服。桂枝今用此方。

以代前二方之用。藥穩而效。亦醫門之良法也。不論冬月正

傷寒。及春夏秋三時感冒。皆可取效。其麻黃湯若在溫熱之



時則不可妄用。又體虛氣弱。腠理空疎者。亦不可用。其桂枝湯乃治太陽經中風自汗之症。若裏熱自汗者。誤用之則危殆立至。又暑風症。有用白虎湯加桂枝者。桂枝微石。煎重不相妨也。更有春溫夏熱之症。自裏達表。其症不惡寒而口渴。則不可用桂。宜另用柴葛解肌之類。或以本方加柴葛及清涼之味。大凡一切用藥。必須相天時。審地利。觀風氣。看體質。辨經絡。問舊疾。的確對症。方為良劑。

紫蘇葉

一錢五分

陳皮

香附

各一分二分

錢

甘草

七分五分

荆芥

秦艽

防風

蔓荊子

各一錢

川芎

五分

牛黃

三片



右剉一劑水煎溫服微覆似汗。前症若頭腦痛甚者加羌

活八分葱白二根。自汗惡風者加桂枝白芍各一錢。若在春夏之

交惟恐夾襖溫暑之邪不侵用桂加白朮一錢五分。若兼停食

胸膈痞悶加山查麥芽各一錢五分。若太陽本症未罷更

兼口渴溺瀉者此為膀胱腑症加茯苓木通各一錢五分。喘嗽

加桔梗前胡各一錢五分。杏仁七枚。鼻衄或吐血本方去生姜加生

地赤芍丹參丹皮各一錢五分。咽喉腫痛加桔梗勞子各一錢五分。

薄荷五分便秘加荀子枳殼。若兼四肢厥冷口鼻氣冷是

兼中寒也加乾姜肉桂之類雖有表症其散藥只用一二味。

不必盡方。若挾暑氣加入知母黃芩之類。之乾嘔發熱而



咳為表有水氣。加半夏茯苓各一錢。時行疫癘加蒼朮炒四分。  
○梅核氣症喉中如有物吞不入吐不出者加桔梗蘇梗各八分。  
○婦人經水適來加當歸丹參。產後受風寒加黑姜當歸其散劑減去大半。○若稟質極虛不任發散者更用補中藥散之法。

柴葛解肌湯 治春溫夏熱之病其症發熱頭痛與正傷寒同但惡寒而口渴與正傷寒異耳本方主之。

柴胡 一錢二分

葛根 一錢五分

赤芍 一錢

甘草 五分

黃芩 一錢五分

知母 一錢

貝母 一錢

生地 二錢

丹皮 一錢五分



水煎服。心煩加淡竹葉十片。謔語加石膏三錢。

頭痛問曰頭痛何以是太陽症。答曰三陽經上至於頭。皆有頭痛。惟太陽經脈最長。其痛尸多。故頭痛爲表症。又問曰三陽頭痛有別乎。答曰太陽之脈從巔入絡腦。還出別下項。循肩膊。由夾脊抵腰中。故太陽頭痛。頭腦痛而連項脊也。陽明之脈起於鼻。絡於目。交額中。凡陽明頭痛。額痛而連面目也。少陽之脈起於目銳眦。下耳後。凡少陽頭痛。耳前後痛而上連頭角也。以此爲別。又問曰三陰本無頭痛。今見直中症。亦有頭痛何也。答曰此直中而兼外感也。又問曰傷寒傳經至厥陰。亦有頭痛何也。答曰厥陰症頭痛。脈浮是裏邪達表。欲



得汗解也。宜微表之。又問曰。陽明腑病。口渴便閉。亦有頭痛。何也。答曰。陽明之經絡於頭目。因其腑熱薰蒸。上攻於頭目之間。以致頭痛。夫經病可以傳腑。腑病亦可以傳經。此相因之至理。然必其實有腑症。方可用白虎清之。若在惡寒發熱初起之時。則為外感風寒。不得與陽明腑病同類混稱也。

項脊強問曰。項脊強何以是太陽症。答曰。項脊者。太陽經所過之地。太陽病則項脊強也。又問曰。仲景云。結胸症。項脊強如柔痊狀。何謂也。答曰。本太陽病為醫誤下而成結胸。胸中脹痛。俯仰不舒。有似於項強。非真項強也。蓋太陽項強強在項後。經脈拘攣而疼痛。胸無病也。結胸項強強在項前。胸中俯



在不舒項無病也。且結胸症誤下而後成太陽病初起而卽見自不同耳。

身痛問曰身痛何以是太陽症。答曰人身之中氣爲衛血爲榮。風則傷衛寒則傷榮。風寒客之則榮衛不通故身痛。經云寒甚則痛熱甚則肉消咽破。凡內經舉痛諸症皆以寒名。未有以熱而曰痛者也。故見身痛卽宜用辛甘發散令氣血流通而痛愈耳。又問曰身痛旣爲表症諸書言裏症亦有身痛何也。答曰裏症身痛屬直中而不屬傳也。寒邪直侵臟腑則陽氣衰微氣血凝滯致有身痛宜急溫之。若傳經裏症則屬熱熱主血行則無身痛。總之外有頭痛發熱而身痛如繩束者。



太陽表症也。無頭痛發熱而身痛如受杖者。直中寒症也。一發散一溫中。若誤投之。終難取效。可不辨乎。

四肢拘急。問曰。四肢拘急。何以是太陽症。答曰。寒主收引。筋主舒伸。天道之常。秋冬則萬物斂藏。春夏則萬物發舒。此定理也。內經曰。寒則筋攣骨痛。熱則筋弛肉緩。故拘急為太陽感寒症。又問曰。裏症亦有拘急。何也。答曰。直中之症。臟受寒侵。經脈因而斂束。若傳經入裏。則為熱熱則體舒。又焉得拘急乎。總之發熱頭痛而拘急者。太陽症也。無發熱頭痛而拘急者。直中症也。仲景治法。太陽表症。及風濕相搏而見攣急者。皆處以桂枝加附子湯。甘草附子湯之類。矧三陰直中者乎。



亦有汗吐下後四肢拘急者。此津液內竭。血不能榮潤筋骨。或補或溫。相機而行也。又問曰。拘急屬寒。固無疑矣。常見內熱極甚。身如枯柴。四肢僵硬。不能屈伸者。何也。答曰。此熱甚。血枯肝臟將絕之候。名曰搖擗。非拘急也。仲景云。四肢漿習。唇吻反青。爲肝絕。此之謂也。

發熱問曰。發熱何以是表症。答曰。風寒鬱於腠理。則閉塞而爲熱。翕翕然作。摸之烙手。此熱卽發於皮膚之外。而臟腑無熱。名曰表病裏和。試以內經諸論證之。曰風寒客於人。使人毫毛畢直。皮膚閉而爲熱。可汗而已。又曰。因於寒。體若燔炭。汗出而散。又曰。人之傷於寒也。則不免於病熱。大汗熱自解也。



由是觀之。熱之屬表明矣。故一見發熱。即屬表邪未解。雖一  
月半月之久。還當發散。又問曰。發熱固爲表邪。倘謔語發狂。  
裏症復急者。治從表乎。從裏乎。答曰。經云。解表不開。切勿攻  
裏。攻之爲大逆。若裏症甚急。須用清中兼表之法。加苓連知  
母之類。以清裏。而用荆防葛根之類。以發表。大便閉結。裏熱  
極甚者。先用清散之法。然後用大柴胡湯下之。攻散並行。不  
相妨也。又問曰。溫熱病亦發熱。不用麻黃桂枝。而用柴葛以  
解之。何也。答曰。溫熱病者。寒邪伏於肌膚之間。醞釀成熱。一  
旦自裏達表。其症但發熱。不惡寒。而口渴。故用柴葛解肌湯。  
辛涼以散之。不用麻黃桂枝之辛溫。以助熱邪也。然即曰解



肌卽爲表症。設亦未嘗以發熱爲裏症也。又問曰：據子之言，凡發熱皆在陽經，而不在陰經。仲景云：少陰症反發熱者，當用麻黃附子細辛湯。何以故？答曰：少陰發熱者，表裏皆寒，是直中而兼外感，非傳經少陰也。故用麻黃細辛附子溫中發散，令表裏兩解。夫直中少陰本無發熱，而曰反發熱者，蓋兼太陽表症也。總之傳經入裏而發熱，清藥中必兼發散；直中入裏而發熱，溫藥中必兼發散。可見發熱屬表症，無可疑惑。故曰：三陰無頭痛，無身熱。

惡寒問曰：惡寒何以是表症？答曰：人身外爲陽爲表，寒邪屬陰，由表虛爲邪所乘，名曰陰盛陽虛也。陽虛不能溫其膚衛，致



表空虛雖表密室亦引衣蓋覆謂之惡寒。經云陰盛陽虛汗之則愈。故惡寒屬表症。又問曰諸書言裏症亦惡寒何也。答曰裏症惡寒直中也。非傳經也。傳經入裏則爲熱邪。必然惡熱。豈有惡寒之理。然大陽惡寒與直中惡寒何以別之。病人頭痛發熱而惡寒者表症也。無頭痛發熱而惡寒者直中裏症也。經曰發熱惡寒發於陽。無熱惡寒發於陰也。又問曰陽明腑病口燥渴而背微惡寒者豈非傳經裏症乎。答曰惡寒者表未盡也。因其燥渴之甚故用白虎加人參湯此活法也。仲景曰發熱無汗表未解者不可與白虎湯。渴欲飲水無表症者白虎加人參湯三之。此症微惡寒則表症將解口燥渴



則裏熱已熾。故用此方。設口不燥渴。亦安得而用之乎。又問曰。誤下而成結胸。脹痛甚急。倘惡寒者。何以治之。答曰。結胸爲醫誤下而成。今惡寒者是表邪未盡。結於胸中。先必解表。方服陷胸湯丸。若誤攻之。表邪又結於胸。則更危矣。故結胸症有一毫惡寒。必先散之。而後攻之。可見惡寒屬太陽表症也。

喘問曰。喘何以是太陽症。答曰。肺主皮毛。司氣之升降。寒邪侵於皮毛。肺氣不得升降。故喘。試以麻黃湯論之。內有杏仁。爲定喘設也。又云。喘家作厚朴杏子佳。明言喘屬表邪。故用杏子也。又問曰。喘旣爲肺爲表。指掌賦云。喘滿而不惡寒者。當



下而痊何也。答曰。傳經裏症。內熱閉結。大便不通。熱氣上冲。致肺金清肅之令。不得下行。因而喘急。此因胃熱攻肺。故可下之。俾其熱氣流通。而喘定矣。然或有惡寒等症。則不可遽攻。恐成逆症。又問曰。陰症喘促者。何以治之。答曰。陰症喘者。乃少陰中寒。真陽衰微。腎不納氣。以致四肢厥冷。脈沉細。氣促而喘急。宜理中四逆。以溫之。八味以佐之。若汗出。髮潤。喘不休者。爲難治也。

脈浮。或問曰。脈浮。何以是太陽表症。答曰。按之不舉。舉之有餘。故曰浮。內經曰。寸口脈浮。主病在外。浮而緊者。爲傷寒。浮而緩者。爲傷風。皆主表邪也。設若邪氣入裏。則脈必沉。又焉得



浮故浮脈爲太陽表症。又問曰：脈浮固屬表症，倘裏症見而脈尚浮者，治當如何？答曰：裏症脈浮，恐表邪未盡也。必先解表而後攻裏。書云：解表不開，切勿攻裏。仲景云：結胸症脈浮者不可下。可見脈浮爲在表矣。然有表症已罷，便閉譫語、腹痛口渴而脈尚浮者，又當從權下之。仲景云：脈浮而大有熱屬臟者，攻之，不令發汗，此之謂也。此取症不取脈也。

脈伏問曰：脈不出，何以是表症？答曰：脈者血之府，熱則血行，豈有脈伏之理？惟表受寒深，故脈伏。一手無脈曰單伏，兩手無脈曰双伏。外顯太陽症而脈伏不出者，寒氣閉塞也。然此實將汗之機，欲愈之候也。書云：天氣燠蒸，必有大雨。雨過而天



氣清。猶汗出而精神爽也。又問曰。裏症脈伏者何也。答曰。裏症脈伏。惟直中有之。亦寒氣閉塞也。宜用四逆湯。加豬胆汁。葱白以溫之。若傳經裏症。則屬熱。熱則血行。何得脈伏。又問曰。亦有陽症脈伏者何也。答曰。陽症脈伏者。乃鬱熱極深。反見假寒之象。脈濇滯之甚。似伏而非伏也。然必有唇焦口燥。飲冷便閉。諸症與陰寒脈伏者相隔霄壤。又或有痛處痛。則脈伏。痛止則脈出也。至於尋常脈伏。非表症。卽直中矣。

### 陽明經症

陽明經病。目痛鼻乾。唇燥。漱水不欲嚥。脈長。此陽明本經症。其經去太陽不遠。亦有頭痛發熱。宜用葛根湯解肌。不可誤認。



為肺病而用清涼攻下之法。

# 葛根湯

葛根 二錢

升麻

秦朮

剉芥

赤芍 各一錢

蘇葉

白芷 各八分

甘草 五分

生薑 二片

右水煎服。○若無汗而口渴者，加知母。自汗而口渴者，加石膏。人參。凡陽明症，口渴之甚，即為入腑，故加入清涼之藥。若自汗而口不渴者，乃陽明經中風。去蘇葉，加桂枝。若春夏之交，惟恐夾襖溫暑之邪，不用桂枝，加白朮一錢五分。目痛鼻乾，問曰：目痛鼻乾，何以知邪在陽明經也？答曰：目鼻者。



足陽明胃所布之經絡也。經云：陽明之脈起於鼻，交頤中，旁納太陽之脈，連目系，下循鼻外，入上齒中，挾口環唇。邪氣傳之，則目痛鼻乾。至於他經，各行其道。何目痛鼻乾之有。

唇焦漱水不欲嚥。問曰：唇焦漱水不欲嚥，何以知邪在陽明經。

也。答曰：唇者，陽明經所過之地也。今唇焦思漱水以潤之，是知邪在陽明經絡中。然不欲嚥者，則知本腑無熱。表病而裏和也。又問曰：表症既除，裏症已見，或亦有漱水而不嚥者，治法從表乎。答曰：既無表症，裏必有熱。熱則能消水，漱當下嚥。若不下嚥，是內有瘀血也。何以知之外無表症，小腹硬滿而痛，小便自利，大便黑色是也。當用桃仁承氣湯攻之。



總之腹滿而痛小便不利是燥糞也。大便自如小便不利此溺瀉也。今小便自利腹中硬痛其爲瘀血明矣。

脈長問曰尺寸俱長何以知邪在陽明經也。答曰長者泛濫也。

言脈過於本位也。陽明爲氣血俱多之經邪一傳之則血氣泛濫故尺寸俱長。又問曰脈長者邪在陽明而用藥有葛根承氣白虎不等者何也。答曰陽明用葛根者治陽明經病也。陽明用承氣者治陽明腑病邪氣結實也不用葛根承氣而用白虎者治陽明經病初傳於腑邪未結實也。陽明經病目痛鼻乾漱水不欲嚥而無便閉譫語燥渴之症是爲表病裏和則用葛根湯散之假如邪已入腑發熱轉爲潮熱致有譫



語燥渴便閉腹脹等症是爲邪氣結聚則用承氣湯下之假  
如陽明經病初傳於府蒸熱自汗燥渴譫語而無便溺腹脹  
之症是爲散漫之熱邪未結實則用白虎湯清中達表而和  
解之此治陽明三法也倘經府不明臨症差忒誤人匪淺因  
知仲景用攻者攻陽明之腑不攻陽明之經用表者表陽明  
之經非表陽明之府辛涼和解者治府病散漫之邪大便未  
結腹無所苦也此陽明經府之說所宜急講也

少陽經症

少陽經病口眩口苦耳聾胸滿脇痛寒熱往來嘔吐頭汗盜汗  
舌滑脈弦此少陽經受病宜用小柴胡湯和解之仲景云少



陽症但見一二症卽是不必悉具此經有三禁汗吐下是也然少陽有兼表兼裏者務在隨時變通不得以三禁之說而拘泥也。

### 小柴胡湯

柴胡 二錢

赤芍 一錢五分

甘草 半夏 各一錢

黃芩 一錢五分

人參 五分

生薑 二片 棗 二枚 去核

水四鍾煎二鍾半溫服。若胸中煩而不嘔是熱氣結聚去半夏人參加瓜蒌子以瀉熱。若渴者是津液少去半夏加瓜蒌根倍人參以生津液。若腹中痛是邪氣壅滯去黃芩加白芍以通壅。若脇下痞硬去大棗加牡蠣以煏堅。若



心下悸小便不利是水氣去黃芩加茯苓以勝水。若不渴外有微熱是表邪未解去人參加桂枝以解肌。若咳者爲肺寒氣逆去人參大棗黃芩加前胡橘皮乾姜以散寒降氣耳聾問曰耳聾何以是少陽症答曰足少陽膽經上絡於耳邪在少陽則耳聾也。又問曰厥陰亦耳聾何也答曰肝胆相爲表裏肝病連胆故亦耳聾也。但少陽耳聾必往來寒熱厥陰耳聾則舌卷囊縮自有別耳。

胸滿問曰胸滿何以是半表半裏症答曰胸半以上乃清陽之分正在半表半裏邪至此將入裏而未深入於裏也故胸滿而腹未滿者乃邪氣而非有物也。若腹中脹滿則爲有物矣。



又問曰。痞氣亦胸膈脹滿。何以別之。答曰。邪入三陰經而未結聚成實。醫遽下之。致成痞氣。必須問其曾經下否。若經下而後胸滿者。痞氣也。若未經下而胸膈脹滿。卽屬少陽也。陶氏治法。少陽症兼胸滿者。小柴胡加枳桔。如未效。本方對小陷胸湯一服。如神。爲妙。是知用藥亦自有相通者。

湯痛問曰。脇痛何以是半表半裏症。答曰。足少陽胆經布之脇下。故有脇痛。至於他經。或出於膂背。或布於面目。則無此症。又問曰。水氣亦有脇痛何也。答曰。水氣脇痛。必見乾嘔。咳。胸下痛。小半夏加茯苓湯主之。極重者。十棗湯攻之。若半表半裏脇痛。外必兼見小陽症。



目眩口苦問曰目眩口苦何以是半表半裏症答曰目者肝之  
竅也胆附於肝今少陽胆病故目眩目苦者胆之汁也熱泄  
胆汁故口苦凡目眩口苦者卽是少陽半表半裏症當和解  
之

嘔吐問曰嘔吐何以是半表半裏症答曰邪氣將入裏裏氣上  
冲邪正分爭故嘔吐仲景云傷寒三日三陽爲盡三陰當受  
邪其人反能食而不嘔此爲三陰不受邪也由此觀之是知  
嘔吐者邪氣入陰之機然猶在將入未入之間故和解可愈  
也然亦有胃熱而嘔者有胃寒而嘔者有停飲而嘔者有食  
積而嘔者病人口燥渴嘔吐黃水者胃熱也嘔吐清涎沫口



鼻氣冷。手足厥冷者。胃寒也。渴飲水而復咽。咳引脇下痛者。停飲也。嘔吐飲食。胸膈脹痛。吞酸噯腐者。食積也。以此爲別。往來寒熱問曰。寒熱往來。何以是半表半裏症。答曰。人身外陽內陰。足少陽胆經。正陰陽交界之所。邪傳至此。陰陽相爭。故寒熱往來。又問曰。陽明亦有寒熱往來。何也。答曰。陽明經病。邪在肌肉中。則身發熱。爲得有往來。寒熱由少陽傳入陽明之府。表症未除。裏熱已結。故兼見往來。寒熱當用大柴胡湯攻之。書曰。陽明內熱。則爲寒熱往來。此說非也。蓋由少陽邪氣未除。故見寒熱。並非陽明正病也。

頭汗問曰。頭汗何以是半表半裏症。答曰。諸陽經上至於頭。則



有頭汗。若諸陰經皆至頸而還。則頭無汗。故見頭汗出。即半表半裏症。又問曰。諸陽脈上至於頭。今頭汗出。當是表症。何以爲半表半裏也。答曰。若是表症。尚有寒邪閉塞。焉得有汗。今既有汗。是寒邪將化爲熱也。但名曰裏症。則頭與身皆出汗。但名曰表症。曰頭無汗。故曰半表半裏也。又問曰。瘀血發黃水氣。皆有頭汗。出何也。答曰。瘀血頭汗出。小便自利。小腹痛。滿。大便黑色。發黃。頭汗出。小便不利。曰珠黃水氣。頭汗出。胸脇痞滿。咳引脇下痛。若少陽症。頭汗出。必見往來寒熱。諸症。以此爲別。

盜汗問曰。盜汗何以是半表半裏症。答曰。熱邪薰灼。腠理開。令



人自汗。寒則腠理閉塞而無汗。今汗晡而出。覺而收。是邪將盛於陰而未深入陰。故曰半表半裏也。又問曰。雜症盜汗。何故也。答曰。雜症盜汗。乃陰虛之症。傷寒盜汗。乃外感之邪。自不同類。

舌胎滑問曰。舌胎滑。何以是半表半裏症。答曰。舌司腸胃寒熱之變。在表則津液如常。在裏則胎燥黃黑。今舌胎滑。尚有津液。但不如常。是邪將入腑而未深入於腑也。既不在表。亦不在裏。故曰半表半裏症。

脈弦問曰。脈弦。何以是半表半裏症。答曰。弦者肝之本脈也。肝膽相爲表裏。且胆爲乙木。木主風。於時爲春。故脈弦也。太陽



脈浮陽明脈長少陽脈弦此三陽診候之法也。

太陰經症

太陰經病自古混同立言故方藥多錯亂。今細按之有三去焉。今夫太陰有傳經之邪有直中之邪有誤下內陷之邪不可不辨如經所謂腹滿噎乾者此傳經之陽邪也法當用小柴胡去人參加芍藥以和之不已則下之經又謂腹滿而吐食不下自利益甚時腹自痛者此直中之寒邪也法當理中湯以溫之又謂太陽症醫反下之因而腹滿時痛者此誤下內陷之邪也法當用桂枝加芍藥大實痛者桂枝加大黃湯以是知傳經之邪宜用大小柴胡直中之邪宜理中誤下內陷之邪宜用桂枝。



本湯加減法。今先舉傳入大陰者言之。其見症腹滿。痛。噎。乾脈。沉實。大柴胡湯主之。若自利去大黃。加黃連以清之。

大柴胡湯

柴胡 一分

半夏 洗七

黃芩

芍藥 各二錢

枳實 一錢

大黃 二錢

水煎服。○若兼寒熱往來。加生薑五分。大棗三枚。

腹滿。問曰。腹滿痛。何以是太陰症。答曰。脾為坤土。坤為腹。陰中之至陰也。邪氣傳之。則腹滿而痛。又問曰。腹痛既為裏症。當用大黃。而先用柴胡芍藥者。何也。答曰。此少陽傳入太陰者。也。少陽之邪。傳入太陰。肝木乘脾。致成腹痛。故用柴胡加



芍藥以和之。痛甚者加大黃以下之。又如太陽症。爲醫誤下。以致邪氣內陷。而成腹痛。用桂枝湯加芍藥。大實痛者。桂枝湯加大黃。意正相等。然腹痛雖屬太陰。又有傳經直中之分。大抵傳經之邪。由三陽傳入直中之邪。卒然驟至也。傳經之邪。則脈沉實。直中之邪。則脈沉細也。傳經之邪。則噤口。燥直中之邪。則口鼻氣冷也。以此爲別。

下利問曰。自下利何以是太陰症。答曰。下利出於腸胃。熱傳脾藏。薰灼腸胃。故有下利。又問曰。三陽合病。以及少陽陽明合病。俱有下利何也。答曰。三陽合病有下利者。外合三陽之經。內合陽明之府也。少陽陽明合病。自下利者。亦合陽明之府。



也。陽明內主胃府。故有下利。若不入府。必無下利。今少陽之邪。傳入太陰。太陰爲藏。與府相連。故有下利也。但宜分傳經。直中傳經。則下利。腸垢直中。則下利。清穀寒熱之藥。由此而分。不可不謹。

脈沉實問曰。脈沉實何以是太陰熱症。答曰。沉者病脈也。主病在裏。實者有力也。主病爲熱。今病沉實。故知太陰經有實熱也。

### 少陰經症

少陰經病有傳有中。今先舉傳經者言之。其見症也。口燥咽乾。而渴。或咽痛。或下利清水。色純青。心下硬。或下利腸垢。目不明。



大小承氣湯並主之

小承氣湯 治邪傳少陰、口燥咽乾而渴、或目不明、宜急下之

大黃 三錢 厚朴 一錢 枳實 一錢  
酒洗 五分

水煎服。○加芒硝三錢，即大承氣湯。

甘桔湯 治少陰咽痛。

甘草 三錢 桔梗 三錢

水煎服。○按本方加大力子三錢，炒研，薄荷葉五分，更效。若  
不症，對前小承氣湯服。

口燥咽乾而渴，問曰：口燥咽乾而渴，何以屬傳經少陰也？答曰：少陰之脈，循喉嚨，挾舌本，熱邪傳入少陰，消燥腎水，則真水



不得上注於華池故乾燥異常而渴之甚也。須急下之以救腎家將涸之水。又問曰：腎氣虛寒而亦口渴者何也？答曰：腎者水臟也。虛故引水自救。小便必色白。白者因下焦虛有寒不能制水故令色白也。若傳經熱邪則小便短濇而赤。且傳經症口燥咽乾舌燥唇焦而渴之甚。腎氣虛寒則無此等熱症。惟見頻引熱湯以自灌而已。又或思飲冷而不能下咽。此內真寒而外假熱之候。與口燥咽乾而渴相隔霄壤。

咽痛問曰：咽痛何以屬少陰症？傳經答曰：咽者少陰經脈所過之地也。熱邪攻之則咽痛。又問曰：寒症亦有咽痛何也？答曰：寒邪直中下焦逼其無根失守之火發揚於上亦令咽痛然



必有利清穀四肢厥冷等症。不若傳經熱邪口燥咽乾而渴之甚也。

下利清水。問曰。下利清水。何以是傳經少陰症。答曰。邪傳少陰。熱氣薰灼結糞如磊石在內。所進湯水不能滲入。遂從結糞空中走出。按其腹必硬痛。宜急下之。若直中症。下利清穀。俗名漏底傷寒。設誤認此症爲漏底。而用熱藥是抱薪救火矣。仲景云。少陰症。下利清水色純青。心下硬痛。急下之。宜大承氣湯。正謂此也。

目不明。問曰。目不明。何以是傳經少陰症。答曰。目能照物。全在瞳人。瞳人屬水。邪氣薰灼。則腎水枯涸。不能照物。故知目不



則屬少陰熱邪宜急下之以救腎家將絕之水。又問曰虛症亦有目不明何也。答曰虛症目不明者氣弱也。血枯也。升溪用人參膏補氣也。六味地黃湯補血也。此皆內傷之治法。若傷寒目不明。實爲熱邪消燦腎水。急宜清涼攻下以救援也。如大便自利。腹無所苦。則用三黃解毒湯清之。大便不利。腹中硬痛。則用承氣湯下之。不可緩也。

### 厥陰經症

厥陰經病亦有傳有中。今先舉傳經者言之。其見症也。少腹滿。舌卷囊縮。煩躁。厥逆。消渴。大承氣湯主之。

大承氣湯

京少陰



少腹滿問曰少腹滿何以是傳經厥陰症答曰膈膈以上乃清陽之分爲少陽之分野膈膈以下少腹以上乃清濁交界之所爲太陰之分野當臍者少陰之分野少腹者厥陰之分野傷寒傳至厥陰少腹脹滿乃濁陰凝聚實爲有物矣宜急下之又問曰瘀血與溺瀦亦少腹滿何也答曰瘀血者太陽膀胱經蓄血也溺瀦者太陽膀胱經蓄水也膀胱系於臍下故少腹滿也但蓄血症少腹滿小便自利大便黑色溺瀦症少腹滿少便不利大便如常若邪傳厥陰則大便閉結小便短赤是爲燥糞症也且厥陰必有煩滿囊縮厥逆消渴諸症與太陽膀胱經症迥然不同也



舌卷囊縮問曰。舌卷囊縮。何以是傳經厥陰症。答曰。用主周身之筋。熱邪內灼。則津液枯。不能榮養於筋。故舌卷而囊縮。宜急下之。又問曰。直中症。亦舌轉囊縮。何也。答曰。直中於寒。陽氣衰微。而飲縮。此冬令萬物閉藏之象。今內熱消燥。此夏令津液乾枯之象。然直中症。脈必沉遲。或見下利清穀。口鼻氣冷。諸寒症。邪傳厥陰。必煩滿消渴之極。或唇焦口燥。身如枯柴。形情大不相同。且直中症。舌雖短縮。而潤澤。邪傳厥陰。則舌斂束如荔枝。必然焦燥。毫無津液。又問曰。婦人之診如何。答曰。婦人乳縮。男人囊縮。先驗其舌。已自明白。不待細問矣。是以傷寒驗舌之法。不可不講。



厥逆問曰厥逆何以屬傳經厥陰症。答曰傷寒之邪自表入裏。邪在三陽則手足熱。傳至太陰則手足溫。至少陰則漸冷。至厥陰則逆冷矣。所謂熱深厥亦深是也。蓋自熱至溫自溫至冷。自冷而至厥冷。乃傳經之邪由淺入深。是知厥逆屬傳經厥陰症。又問曰寒症厥逆者何也。答曰直中寒邪初時卽厥。不比傳經之厥以漸而至也。又問曰仲景云發熱四日厥反三日復熱四日厥少熱多。其病當愈。厥四日熱反三日復厥四日厥多熱少其病當進。何謂也。答曰此指熱厥而言也。傷寒發熱者其熱尚淺。傷寒發厥者其熱更深。所謂熱深厥亦深。熱微厥亦微者此也。厥少熱多則熱漸退厥多熱少則熱



更進也。至於直中寒邪。初起卽厥。不比傳經熱邪。初時發熱。而後至於厥。厥與熱復相間互發。而進退無常也。

消渴問曰。消渴何以屬厥陰熱症。答曰。消渴者熱甚能消水也。邪傳太陰。則噤乾未甚渴也。至少陰則口燥舌乾而渴。至厥陰則消渴矣。消渴者飲水多而小便少。不知消歸何有也。可見厥陰熱甚則大渴而能消水也。又問曰。三陽經亦口渴。何也。答曰。太陽症本無渴。其小便不利而渴者。太陽腑病也。外顯太陽症。而又兼口渴。故用五苓散以分利之。俾小便通而渴自止矣。陽明經亦無渴。不過唇焦漱水耳。其有渴者。則係陽明腑病也。邪未結聚。熱勢散漫而口渴者。白虎湯邪已結。



實腹脹便閉而口渴者。承氣湯此陽明腑病之治法也。至於少陽。乃表裏交界之所在。表爲寒。在裏爲熱。兼有口渴者。發熱乎。欲入裏矣。故於小柴胡中去半夏。加瓜蒌根以清其熱。倍入參以生津液。此少陽經之治法也。至於太陰。雖噤乾燥而渴猶未甚也。少陰則燥渴渴漸甚矣。厥陰則消渴渴之至而無復加者也。又問曰。陽明腑病。口大渴。與厥陰消渴。何以別。答曰。陽明居中土也。萬物所歸也。三陽三陰之邪皆得傳之。今厥陰經消渴者。陽明胃中消之也。夫飲與食皆入胃者也。胃熱則消。胃寒則不能消也。厥陰邪熱極盛。攻入胃腑。則消渴之症生。非厥陰肝經另有一口而能飲能消也。因其有



囊縮煩渴厥逆諸症故名曰厥陰因其由厥陰經而發消渴故以消渴屬厥陰也又問曰熱甚亦有不得渴者何也答曰此熱極神昏不知渴也其始極渴其後則不知渴口燥唇焦身如槁木勢亦危矣又問曰直中寒症亦有渴者何也答曰此陰盛隔陽於上渴欲飲水而不能飲名曰假渴其人煩躁欲坐臥泥水之中此內真寒而外假熱也又或因汗下重亡津液胃中乾燥致令思水所飲常少而喜溫又少陰症腎經虛寒頻飲熱湯以自救乃同氣相求之理但小便色白而身覺清穀厥逆諸寒症以上諸症與厥陰囊縮而消渴者相隔千里是不可以不辨



太陽腑病

太陽府者。足太陽膀胱是也。膀胱有經有府。邪在於經。則頭痛發熱。邪在於府。則口渴溺赤。外顯太陽經病。而兼口渴溺赤者。此溺瀦不通。乃太陽府病。無涉於他臟也。五苓散主之。若表症未罷。可與散劑同用。

五苓散

茯苓 三錢

猪苓

澤瀉 各八分

桂枝 錢

白朮 五分

水煎服。以利爲度。○懸按前症。自汗服浮者。由中風入本腑。可用此方。無汗脈緊者。由傷寒入本腑。卽於香薷湯中加茯苓。



答。得。渴。應。手。而。效。

口。渴。渴。赤。問。曰。膀。胱。有。水。何。以。反。渴。也。答。曰。水。有。清。濁。濁。水。不。去。則。津。液。不。生。故。渴。也。且。水。停。有。澤。邪。不。則。熱。濕。熱。相。聚。則。渴。今。分。利。之。俾。濕。熱。相。通。而。渴。自。止。矣。病。若。在。經。而。未。入。府。者。切。不。可。用。滲。利。藥。反。引。邪。氣。入。水。府。也。

### 陽明腑病

足。陽。明。胃。有。經。有。府。經。者。經。也。猶。路。徑。然。府。者。器。也。所。以。盛。水。穀。者。也。邪。在。於。經。不。過。口。痛。鼻。乾。唇。焦。漱。水。而。已。邪。既。入。府。則。潮。熱。譫。語。狂。亂。不。得。眠。煩。渴。自。汗。便。閉。諸。症。生。焉。白。虎。湯。承。氣。湯。並。主。之。但。陽。明。府。病。有。由。本。經。入。水。府。者。有。由。太。陽。少。陽。入。



本府者有由三陰經入本府者來路不同見症則一治者詳之  
白虎湯 治陽明府病脈洪大蒸熱潮熱諸燥渴自汗或身  
熱發斑但腹中未堅硬而大便未閉結此陽明散漫之熱邪  
未結聚故用本方辛涼和解之劑

石膏

五錢

知母

三錢

甘草

二錢

粳米

一撮

水煎服○若熱甚者倍之○大法自汗多者加入參各人參  
白虎湯○挾濕者加蒼朮名蒼朮白虎湯治濕溫症○按吐  
方必燥渴潮熱自汗脈洪有此八字方可與之若表症仍在  
而不燥渴者切不可用也又太陽症發熱而渴小便不利者  
爲膀胱府病不可與白虎湯若直中陰寒而赤煩熱似渴非



渴欲坐臥泥水中。此真寒假熱之症。必須溫補。又有血虛發熱。症像白虎。宜用當歸補血湯。若誤投石膏。知母。則傾危可立而待矣。

調胃承氣湯。治陽明府病。潮熱。譫語。便秘。繞臍硬痛。為有燥屎。此結聚之邪。邪已堅實。宜下之。

大黃 三錢

芒硝 二錢

甘草 五分

水煎服。○本方去甘草加枳實厚朴名大承氣湯。竊按枳實消痞厚朴去滿。芒硝潤燥。大黃瀉實。必痞滿燥實四症俱全者方可用也。若痞滿而未燥實者。宜用小承氣湯。不用芒硝。恐傷下焦陰血也。燥實而未痞滿者。即用本方。不用枳朴。恐



傷土焦陽氣也

論承氣湯有八禁

一者表不解

惡寒未除小便清長知不在裏仍在表也法當汗解

二者心下鞭滿

心下滿則邪氣尚淺若誤攻之利遂不止恐正氣下脫也

三者合面赤色

面赤色為邪在表浮火聚於上而未結於下故未可攻也又面赤為戴陽尤宜細辨

四者平素食少或病中反能食

平素食少則胃氣虛故不可攻然病中有燥屎即不能食

或反能食則無燥屎不潤硬鞭耳亦未可攻也

五者嘔多

嘔吐為少陽邪在上焦故未可攻也

六者脈遲

遲為寒攻之則呃

七者津液內竭

病人自汗出小便自利此為津液內竭不可攻之宜蜜煎導而通之



八者小便少。痛人平日小便日三四行。今日再行。知其不  
即入大陽。宜姑待之。不可妄攻也。

潮熱問曰。潮熱何以屬陽明府症。答曰。潮熱者。如潮之汎。不失  
其時。今日午後發熱。明日亦午後發熱。故名潮熱。若一日發  
至晚者。便是發熱。而非潮熱矣。若寒熱相間。便是往來寒熱  
矣。仲景去其熱不潮。不可與承氣湯。可見潮熱合用承氣湯  
也。又問曰。潮熱同當下。設有表症。何以治之。答曰。潮熱兼表  
必先解表。然後攻裏。若裏症甚急。則用大柴胡湯。表裏並治  
可也。

語問曰。語語何以屬陽明府症。答曰。心者。胃之母。肺者。胃之  
子。心主藏神。精明者也。肺主出聲。清肅者也。今胃中熱盛。上



乘心肺。故神氣昏憤。而語言錯亂。輕則呢喃。謬妄。重則呌喊。罵詈。不避親疎。由其熱有輕重。故謔語亦有輕重也。又問曰。經云。有虛有實者何也。答曰。實則譫語。虛則鄭聲。所以譫語者。亂言無次數。數更端。鄭聲者。鄭重其辭。重音頻言不換他說者。蓋氣有餘。則能機變而亂語。氣不足。則無機變而只守一音也。又問曰。婦人傷寒。晝則明了。夜則譫語者何也。答曰。此熱入血室症也。婦人經水適來。血海空虛。邪氣乘之。致有此症。治法無犯胃氣。及土二焦。必自愈。宜用小柴胡湯去半夏。加紅花。桃仁。生地。丹皮之屬。

狂亂問曰。狂亂何以屬陽明府病。答曰。重陰爲癲。重陽爲狂。諸



經之狂皆陽盛也。傷寒陽熱極盛主於發狂。勢亦危矣。狂之發也。少臥不飽。妄語妄行。或登高而歌。或棄衣而走。至踰牆上屋。皆陽熱亢極使之。非下不除。又太陽病不解。熱結膀胱。其人如狂。此乃下焦蓄血。少腹當鞭滿。小便自利。大便黑色。雖則如狂。初不若發狂之甚也。又有以火劫汗。遂至亡陽。發爲驚狂。有怵亂恐懼之象。實非狂也。是知如狂者。膀胱蓄血。驚狂者。劫汗亡陽。發狂者。陽明胃府實熱也。又問曰。寒症有發狂者。何也。答曰。此陰盛隔陽之症也。人煩躁欲坐臥泥水中。是名陰躁。脈必沉遲。或見下利清穀。諸寒症急宜溫補。不可誤用寒涼也。



不得眠。問曰：不得眠，何以是陽明府病？答曰：不得眠，陰陽皆有之。其狂亂不得眠者，陽明胃熱故也。經云：胃不和則臥不安。胃受熱邪，故不和。不和故不眠也。若初時目痛、鼻乾、不得眠者，陽明經病也。葛根湯主之。若蒸熱自汗、燥渴、脈洪，不得眠者，陽明經府同病，散漫之熱也。白虎加人參湯主之。若潮熱自汗，便閉，譫語不得眠者，陽明腑病結聚之熱也。調胃承氣湯下之。若傷寒邪氣已解，或因食復，遂至煩悶、乾嘔、口燥、呻吟不得眠者，以保和湯加苓連主之。又問曰：不眠同屬熱症，有投寒藥轉甚者何也？答曰：因汗下重亡津液，心蘊虛煩，致不眠者，宜用酸棗仁湯。或真武湯主之。不眠似屬尋常，若少



陰脈沉細。自利厥逆。煩躁不得眠者。爲難治也。

燥渴問曰。燥渴何以屬陽明府症。答曰。寒邪在表。則不渴。邪氣

傳裏化而爲熱。則渴。太陽症有口渴者。膀胱府病也。其渴微。

陽明經病。但漱水耳。不爲渴也。入府則大渴矣。少陽症但口

苦。亦無渴。其有渴者。將轉入陽明也。仲景云。服柴胡湯已而

渴者。屬陽明也。三陰皆有渴。因其連於胃府故渴也。是知燥

渴的屬陽明症。餘詳辨厥陰症消渴條下。

自汗問曰。自汗何以是陽明府病。答曰。傷寒在表。則腠理緻密。

而無汗。入府則熱氣發越。而汗自出矣。今無汗忽變爲有汗。

者。乃熱邪入府薰蒸。如鼎沸然。故令汗出也。又問曰。自汗有



用桂枝。及桂枝加附子湯者何也。答曰。自汗用桂枝者。太陽傷風症也。用桂枝加附子湯者。因發汗太多。遂漏不止。惡風寒而為表虛也。若陽明府病。燥渴譫語。孰敢用桂枝者。仲景於桂枝加附子條下。註曰。不嘔不渴。可見陽明燥渴則無用桂枝之理矣。大抵頭痛發熱。悉具者。傷風自汗也。因發汗遂漏不止者。陽虛自汗也。煩躁口渴。能消水不惡風寒而反惡熱者。陽明府病自汗也。又問曰。直中症亦自汗何也。答曰。直中症冷汗自出。脈沉遲。手足厥冷。乃真陽衰微之象。與陽明胃熱自汗。薰蒸騰沸之狀。天淵相隔矣。又問曰。中暑自汗。亦口渴。何以別之。答曰。中暑自汗。口雖渴。脈必弦細。遲也。經



云脈盛身熱得之傷寒。脈虛身熱得之傷暑。寒者人參白朮湯。虛者十味香薷飲。主之。

手足心腋下。有汗。問曰。手足心腋下。有汗。何以是陽明府病。答曰。胃主四肢。爲津液之主。今熱主於胃。致令汗出。乃津液之旁流也。經云。手足濺然汗出。大便難。而譫語。宜下之。又問曰。陽明中寒。不能食。亦令手足汗出者。何也。答曰。此胃中虛冷。所至。與傳經熱症。便難譫語者。自是不同。

便閉問曰。便閉何以屬陽明症。答曰。陽明居中土也。萬物所歸。無所復傳。傷寒三陽三陰之邪。皆得傳入。以作胃實不大便之症。法當下之。然經有八禁。詳例於前。不可不辨。



轉失氣問曰轉失氣何以屬陽明府症。答曰失氣者氣下泄也。病人內有燥屎結而不通則氣常下失。仲景云欲行大承氣光與小承氣腹中轉失氣者方與大承氣湯若不轉失氣填未可再攻是知轉失氣屬陽明府也。

論裏中之裏

傷寒之邪三陽爲表三陰爲裏。人皆知之而裏中之裏人所不知也。何謂裏中之裏。陽明胃腑也。三陽三陰之邪而一入胃府則無復傳故曰裏中之裏也。或謂三陰經臟也。陽明胃腑也。豈有府深於臟者乎。答曰陽明居乎中土萬物所歸無所復傳猶之谿谷爲衆水之所趨也。夫以陽經與陰經較則三陰爲深以



陰經與胃府較。則胃府爲尤深也。三陰三陽之經。環繞乎胃府。處處可入。有自太陽入府者。有自本經入府者。有自少陽入府者。有自太陰入府者。有自少陰入府者。有自厥陰入府者。一入胃府。則無復傳。故曰裏中之裏也。治傷寒者。先明傳經直中。卽於傳經之中。辨明表裏。更於表裏之中。辨明裏中之裏。如此則觸目洞然。治療無不切中矣。

### 復論陽明本症用藥法

陽明有經有府。陽明經病。發熱頭痛。目痛。口乾。唇焦。漱水宜解。肌葛根湯。陽明經病。傳府。蒸熱自汗。口渴飲冷。白虎加入參湯。此散漫之熱。可清而不可下。陽明府病。熱邪悉入於裏。其症潮。



熱譫語腹滿便閉宜攻之。調胃承氣湯。此結聚之熱。徒清無益也。夫病當用承氣。而只用白虎。則結聚之熱不除。當用白虎而遂用承氣。則散漫之邪復結聚而爲結熱矣。夫石膏大黃同一清劑。而舉用不當。尚關成敗。何況寒熱相反者乎。甚矣司命之難也。

論陽明兼症用藥方

或問經曰有大陽陽明。有少陽陽明。有正陽陽明。何也。答曰。太陽陽明。由太陽經傳入陽明之府也。少陽陽明。由少陽經傳入陽明之府也。正陽陽明。由陽明本經而傳入本府也。太法太陽陽明。太陽症不解。必從太陽解表為主。若表症不解。醫誤下之。



轉屬陽明。宜下之。小

若因誤下而成結胸。先服小陷胸

湯。若不瘥。再服大陷胸湯。餘邪未盡。投以枳實理中丸。應手而愈。少陽陽明脈純弦者。名曰負。負者。勝負也。爲難治。若少陽症多者。必從少陽和解爲先。小柴胡湯。皆腹滿硬痛。便閉譫語者。下之。大柴胡湯。正陽陽明在表者。葛根湯。表邪入裏。未結聚者。白虎湯。邪已入裏。結聚成實者。下之。調胃承氣湯。凡用下藥。必以腹滿硬痛。便閉爲主。或兼下利。腸垢。或下利清黃水。色純青。心下硬。其中有燥屎也。攻之。否則雖不大便。亦未可攻。但清之潤之而已。

### 合病併病



合併病者傷寒傳經之別名也。或兩經同病。或三經同病。名曰  
合病。若一經病未已。復連及一經。名曰併病。傷寒書云。三陽有  
合病。有併病。三陰無合病。無併病。果爾。則太陰不必與少陰同  
病乎。少陰必不與厥陰同病乎。且太陰病未瘥。必不至併於少  
陰。少陰病未瘥。必不至併於厥陰乎。若然。則三陰之症。何以相  
兼而併見乎。又何以三陽三陰之邪。互相交錯而爲病乎。是知  
合病併病。有合於陽者。卽有合於陰者。有併於陽者。卽有併於  
陰者。仲經謂三陽合病。閉目自汗。面垢譫語遺尿。治用白虎湯。  
此外合三陽之經。內合陽明之府。故用辛涼和解之。若不入府。  
白虎將焉用乎。治法不論三陽三陰。凡兩經合病。則用兩經藥。



同治之三經合病。則用三經藥同治之。若一經病未瘥。復併一經。則相其先後緩急輕重而藥之。斯無舛耳。然則合病併病。豈非湯藥傳經之別名歟。

直中三陰諸症

直中者。初起不由陽經傳入。而經中三陰者也。中太陰。宜用理中湯。中少陰。宜用四逆湯。中厥陰。宜用白通加豬胆汁湯。大抵陰受寒。侵不溫。則殆。急投辛熱。不可遲緩。

附子理中湯 治寒邪中於太陰。嘔吐清涎沫。腹中冷痛。或下利。清穀。吐蛔蟲。脈來沉細。急宜溫之。

乾薑

附子

炙草 各一錢



人參 二錢 白朮 二錢

水煎服寒甚者加乾姜二錢渴欲得水加入人參白朮各一錢  
當臍有動氣去白朮加肉桂一錢吐多者加生薑一錢五分  
下利多者倍加白朮悸者加茯苓一錢五分腹滿者去人參  
加陳皮半夏砂仁各八分附子一錢五分蓋溫卽是補

四逆湯 治少陰中寒手足厥冷下利清穀脈沉細但欲寐

附子 五錢 乾薑 五錢 炙甘草 二錢

水煎服○如面赤加蔥白二莖腹痛加白芍藥二錢酒炒  
者加生薑二錢咽痛加桔梗一錢利止脈不出加入人參二錢  
小便不利身重疼痛或咳此爲有水氣去乾姜加白朮茯苓



二錢五分生薑三片

白通加猪胆汁湯 治少陰中寒、陰盛、陽湯、熱藥相拒不入故

加寒味以立從治之法

附子 五錢 乾姜 五分 葱白 二莖 人尿 半杯

猪胆 五茶匙

水煎服。○虛者加入參三錢

理中安蛇散

人參 三錢 白朮 白茯苓 乾薑 各一錢 五分

川椒 十粒 烏梅 二個

右作一服水二鍾煎七分服凡治蛇不可用甘草及甜物蓋



既得甘則動得苦則安得酸則靜故也如未止加黃連黃柏各三分川椒倍之若足冷加附子五七分甚者倍之

腹中冷痛問曰腹中冷痛何以屬直中寒症答曰寒氣內攻腹中驟然暴痛手足口鼻俱冷或腹中寒冷欲得熱物熨之不比傳經腹痛由漸而至也凡寒痛綿綿不止熱痛時作時止也

嘔吐清涎深問曰嘔吐清涎沫何以是直中寒症答曰胃府寒熱之氣必見於涎沫經曰諸水渾濁皆屬於熱諸病水液澄澈清冷皆屬於寒今見嘔吐清涎沫故知爲直中寒症

下利清穀問曰下利清穀何以是直中寒症答曰寒邪內侵真



陽衰少。無以運行三焦。腐化水穀。經曰。食下卽化。腐臭而出。是有火也。食下不化。完穀而出。是有寒也。又曰。天寒則水清。天熱則水濁。今見下利清穀。卽是直中寒症。若傳經熱症。則下利腸垢。而不下利清穀矣。又問書云。邪熱不殺穀。何謂也。答曰。邪熱不殺穀者。乃火性急速。不及變化而出。然必雜于腸垢之中。不止直中寒邪穀和清水。形如鴨溏也。

但欲寐。問曰。但欲寐。何以是直中寒症。答曰。寒邪屬陰。陰主靜。靜則多眠。若傳經熱症。則屬陽。陽主動。則令人煩躁不眠也。又問曰。表症多眠者何也。答曰。表症多眠。是寒邪外束。陽氣不舒。必見頭痛發熱諸症。若直中多眠。則見下利清穀。手足



厥冷諸症與表邪自是不同。至於傳經裏症。則心煩惡熱。揭去衣被甚則譫語發狂。安得多眠。又問曰。熱症亦有昏昏而睡者何也。答曰。此熱邪傳入心胞。令人神昏不語。或睡中獨語一二句。與之以水則嚥。不與則不思。此乃熱甚神昏。非欲寐也。又風濕症風熱相搏。亦令神氣昏憤。其症鼻鼾語言難出。與直中寒邪厥逆清穀諸症迥然大異矣。

蹇臥問曰。蹇臥何以是直中寒症。答曰。熱則手足舒伸。寒則手足斂束。譬如春夏則萬物發舒。秋冬則萬物收藏。此定理也。又問曰。表症亦蹇臥何也。答曰。表症有蹇臥者。表受寒侵。經絡因而斂束。法當溫散。至於直中蹇臥。必有厥逆清穀諸症。



相兼須溫中爲主也。又問曰：熱症亦踞臥何也？答曰：此熱邪消燥津液，不能榮養於筋，致有攣急之象，乃肝藏將絕名曰：搐搦，不得與踞臥同語矣。

四肢厥冷。問曰：四肢厥冷，何以是直中寒症？答曰：四肢爲陽，寒邪屬陰。今中寒邪，則陽衰不能溫其四肢，故厥冷。其甚者過乎肘膝，肘膝爲人之四關，今冷過之，則陰寒極矣。宜大溫之。又問曰：陽症亦厥逆何也？答曰：此物極則反熱極而反見厥也。別之：凡病初起卽厥者，寒厥也；初起發熱，日久變厥者，熱厥也；且熱厥必煩燥口渴，惡熱，小便短赤，大便或閉或下利，腸垢脈必沉實有力。寒厥則不渴，必惡寒身痛，小便清長，或



下利清穀。脈必沉細無力。安危之機。禍如反掌。不可不辨。身痛如被杖。問曰。身痛如被杖。何以是直中寒症。答曰。寒邪客於人。則身痛。痛如被杖。寒之極甚者也。又問曰。表症亦身痛。何也。答曰。表症身痛。痛如繩縛也。裏症身痛。痛如被杖也。雖有表裏之殊。而為寒則一也。宜急溫之。表寒則溫散。裏寒則溫中。寒氣散。痛自除矣。

囊縮問曰。囊縮何以是直中寒症。答曰。熱主舒。寒主斂。定理也。春夏則萬物發舒。秋冬則萬物斂藏。即此觀之。可見囊縮為寒矣。又問曰。指掌何以用承氣治囊縮。答曰。此傳經厥陰症也。傷寒傳至厥陰。六經已盡。厥陰者。肝也。肝主周身之筋。受



厥陰之脈。絡陰器。因熱邪燥其津液。筋脈不榮。故舌卷而囊縮。其症必口渴煩滿。唇焦舌燥。與直中陰寒之症迥然不同耳。

舌黑而潤。問曰。舌黑而潤。何以是直中寒症。答曰。黑者北方水色也。黑而且潤。則知其為寒症矣。若傳經熱邪。舌胎先黃而後黑。必乾燥而無津液。此火極似水之象。譬如燔柴變炭之意。乃熱甚也。若舌黑而潤。津液如常。乃寒氣乘心。北方之水色見也。宜急溫之。故曰。舌黑而潤。為直中寒症也。

脈沉細無力。問曰。脈沉細無力。何以是直中寒症。答曰。脈者陽氣主之也。氣盛則脈旺。氣弱則脈細。今脈沉細無力。則為中



寒無疑矣。又問曰：經云：諸緊爲寒，何也？答曰：緊者，脈急引繩，轉索有風起水湧之象，北方剛動之氣也。與數脈不同，數以至數名，緊以形象論也。經云：諸緊爲寒，寒之診不一。緊而寒，沉細無力，亦爲寒；遲爲寒；又脈洪大，搏指按之虛空者，亦爲寒。譬如數則爲熱，洪大爲熱，沉實有力爲熱，脈瀦滯鬱而不通者，亦爲熱。全在以症互相參攷，時而捨脈從症，時而捨症從脈，活活潑潑，不膠已見。其於症法，庶幾乎。

吐蚘問曰：吐蚘何以是直中寒症？答曰：病人胃寒，食少，蚘泛上，隔聞食臭而出，故吐蚘也。宜用理中安蚘散以溫之，不可輕用涼藥。又問曰：陽症亦有吐蚘者，何也？答曰：病久胃空，旣無



穀氣。就上隔求食。至咽而出。須看兼症。如何。若陽黃發斑。口瘡咽燥。大渴消水。或用清劑。可以收功。然而寒症吐蛇者多。熱症吐坑者少。最宜斟酌。

### 兩感

兩感者。表裏雙傳也。一日太陽與少陰同病。二日陽明與太陰同病。三日少陽與厥陰同病。如在太陽。則發熱頭痛。在少陰。則咽乾口燥。在陽明。則目痛鼻乾。在太陰。則腹滿自利。在少陽。則耳聾脇痛。在厥陰。則煩滿囊縮。表裏並傳。爲禍最速。此論傳經之兩感也。又如仲景所謂少陰症。反發熱。用麻黃附子細辛湯者。此論直中之兩感也。傳經兩感。以解表爲主。而清裏佐之。直



中兩感以溫中爲主而發表次之。此治兩感之大法也。或問曰。太陽初得病。尚未傳經。何以卽有少陰熱症也。答曰。此溫熱之候。多有之。本有積熱在內。而外爲風寒鼓之。故表裏並見。陰陽雙傳也。其病至暴。治失其宜。去生遠矣。

### 傷寒兼症

傷寒兼症者。非傳經六經之正病。亦非直中三陰之正病。而實傷寒所恆有之症。故皆以兼症名之。其間有見於手經者。亦有因誤治而變症者。有病中失於調攝而變症者。有病氣相傳染而變症者。臨症之工。按法取之。曲盡其情。則傷寒無餘蘊矣。咳噦者。肺寒也。經云。形寒飲冷。則傷肺是也。肺主皮毛。寒邪侵



於皮毛。連及於肺。故令人咳。宜用止嗽散。加荆芥。防風。紫蘇。子主之。或問曰。少陽症。與直中症。水氣症。皆令咳嗽。何也。答曰。少陽症。兼咳嗽者。以其肺有寒也。仲景用小柴胡去參。棗。加乾姜者。所以溫肺散寒也。直中症。兼咳嗽者。亦寒氣上束於肺也。但溫其中而咳自止。水氣症。兼咳嗽者。以寒水上射於肺也。宜分表裏。水氣治之。表有水氣而發熱。用小青龍湯。發散以行水。裏有水氣而下利。則用本方。去麻黃。加薏花。以攻之。輕則用小半夏加茯苓湯。以疏之。俾水飲流通。而咳自止矣。以上三症。皆感寒水之氣而咳。故謂咳爲肺寒也。又問曰。俗稱熱傷風咳嗽者。何也。答曰。熱傷風者。如冬溫之候。天



止嗽散

應寒而反熱。自人受之。則爲頭痛喉腫咽乾咳嗽之屬。與正風寒之咳稍異。又或其人素有鬱熱。而外爲風寒束之。熱在內而寒在外。諺云寒包火是也。又問曰咳嗽不兼風寒而喘屬於火者何也。答曰此雜症嗽也。或夏令暑熱之火。或飲食辛辣之火。或脾肺氣虛之火。或龍雷僭上之火。皆令咳嗽。各有兼症。與傷寒鼻塞聲重頭痛發熱惡寒之狀自是不同。並與熱傷風之咳迥別。宜於本門求之。不得與傷寒同口語矣。

桔梗

一錢五分

甘草

炙五分

白前

一錢五分

橘紅

一錢

百部

一錢五分

紫苑

一錢五分



水煎服。風寒初起防風荆芥紫蘇子

小半夏加茯苓湯

半夏姜汁三錢炒

茯苓三錢

甘草炙一錢

生薑三片

水煎服

咽痛有表裏寒熱之分。不可不辨也。風寒在表而兼咽痛者。此

風火聚於肺也。宜用甘桔湯加荆芥防風薄荷牛蒡之類。以

散之。少陰裏症兼咽痛者。以少陰之脈循喉嚨。挾舌本也。宜

分寒熱治之。凡傳經少陰口燥舌乾而痛者。熱也。甘桔湯主

之。甚者加黃連元參牛蒡之屬。凡咽痛以蒡子為主。直中少

陰腎氣虛寒。通其無根失守之火。浮遊於上。以數咽痛必兼



下利清穀手足厥冷諸症。但溫其中而痛自止。薑附湯如特  
梗主之。夫同一少陰咽痛而寒熱之別相隔千里。不可不察。  
復有陰毒陽毒咽痛者。治如少陰症。更有發汗過多。遂至汗  
多亡陽。內損津液而成咽痛者。宜用參芪歸朮調補元氣。收  
斂汗液而痛自除。凡咽痛通用甘桔湯。在表者加散藥。在裏  
者分別寒熱而加入溫涼之劑。仲景立法精粹。學者宜致思  
焉。

甘桔湯 見前少陰症

傷寒吐血者。熱迫血而上行也。然有表裏之殊。如當汗失汗。以  
致邪蘊於經。而吐血者。用麻黃湯散之。後人以加味參蘇飲



代之其法至穩。若邪氣入裏。醞釀成熱。以致吐而者。宜用犀角地黃湯清之。若大便閉結。熱邪上攻者。生地四物湯加大黃下之。釜底抽薪。則火氣頓平。而釜中之水無騰沸之患矣。切忌尋常滋補藥。姑息容奸。使邪氣流連。反成敗症。更有以熱濟熱。而為動陰血者。詳辨於後。

### 犀角地黃湯

犀角

鎊一分

生地黃

四錢

牡丹皮

麥冬

白芍

各一分

水煎服

芤者。鼻中出血也。寒氣初客於經。則血凝滯而不行。何得有芤。



今見衄者是寒邪將散。榮血周流。病當解也。古人謂血為汗。汗是也。然衄症亦有表裏之殊。寒邪在經。頭痛發熱而衄者。表也。宜微汗之。加味香蘇散主之。若邪氣入裏。燥渴煩心。而成衄。宜急清之。犀角地黃湯主之。或問曰。動陰血與鼻衄。將何以別之。答曰。動陰血者。乃傳經裏症。熱極而反發厥。醫家誤認為寒。投以乾薑附子。以火濟火。迫血妄行。或從耳目口鼻涌出。名曰相膈矣。

便膿血者。熱迫血而下。行也。此傳經熱邪所致也。法當清之。若腹痛拒按。小便自利者。下之。然亦有陰寒為病。瘀血凝聚。心



下利膿血者。此下焦虛寒。腸胃不固。譬如天寒地凍。水凝成冰。非溫劑不化。附子理中湯加歸身主之。斯二者一爲血熱。一爲血寒。臨症時不可不辨。

蓄血者。瘀血畜於下焦也。仲景云。太陽症不解。熱結膀胱。其人如狂。血自下者愈。其外不解者。尚未可攻。當先解外。外解已。但少腹急結者。乃可攻之。宜桃核承氣湯。此表症甫除。瘀積始聚爲蓄血之輕者。故用前方。若表邪已盡。裏熱既深。乃蓄血之重者。則用抵當湯攻之。但蓄血症與溺瀉燥糞症相似。而不同。宜分別施治。凡傷寒少腹脹滿。按之不痛。小便不利者。爲溺瀉也。若按之繞臍硬痛。小便短濇。大便不通者。此有



燥屎也。若按之少腹硬痛，小便自利，或大便黑色，喜忘如狂者，為畜血也。此辨症之大法也。

桃核承氣湯

桃仁 十箇

大黃 二錢五分

芒硝 一錢五分

甘草 一錢

桂枝 五分

水煎服

抵當湯

水蛭

䗪蟲 各十枚  
去翅

桃仁 十枚

大黃 五錢

水煎服

動陰血，傷寒傳經熱症，漸至手足厥冷，是謂熱極而反見厥，所



謂熱深厥亦深。熱微厥亦微是也。醫者不識。誤投熱藥。以火濟火。迫血妄行。其血或從耳目。或從口鼻。一擁而出。名曰動陰血。又名下厥上竭。爲難治。大抵傷寒初起。卽發厥者。寒厥也。初起發熱燥渴。漸次而厥者。熱厥也。寒厥者。必下利清穀。口鼻氣冷。口舌常潤。脈沉遲。熱厥者。必便閉譫語。或下利腸垢。口渴唇焦。或舌黑而燥。脈滑數。寒熱之際。明然明白。則無動陰血之禍矣。

鼻鼾鼻鳴。鼻鼾者。鼻中發聲如鼾睡也。此爲風熱壅閉。鼻鳴者。鼻氣不清。言響如從壅中出也。多屬風寒壅塞。須按兼症治之。



不能言及語言難出者。有表裏之分。其一。太陽症發汗已。身猶  
灼熱者。名曰風溫。其脈尺寸俱浮。自汗身重。多眠。鼻息鼾。語  
言難出。此表邪蘊其內熱也。治用萎黎湯去麻黃。加秦艽。主  
之。其一。少陰病。咽中傷。生瘡。不能言。古方治以苦酒湯。然苦  
酒湯。恐傳寫之訛。宜用甘桔湯。加勞子。薄荷。元參。白前。之屬。  
以清之。復有風寒客於肺中。聲啞不能言者。當用半夏生薑  
荊防等。辛溫以散之。更有中寒之症。口鼻氣冷。口噤難言者。  
當用溫熱之劑。大抵唇焦齒燥。舌乾口渴者。熱也。唇清口和。  
口鼻氣冷者。寒也。傷寒辨症。莫先於此。學者宜致思焉。

萎黎湯



萎蕤

石膏

乾葛

各一錢

白薇

羌活

杏仁

甘草

川芎

各六分

防風

七分用此以代黃芩為虛高

青木香

五分

水煎服

溫瘧傷寒邪熱未除。復感風邪。變為溫瘧。溫瘧之狀。寒熱依時而作。大抵熱多寒少。或先熱後寒。每致神昏譫語。與時行正瘧不同。治用小柴胡湯。去半夏。加黃連。知母。貝母。以清之。然溫瘧寒熱以時。又與少陽病寒熱往來無定時者自是不同。身重難轉側。身重大都屬寒。然亦有熱者。經曰。風濕相搏。骨節煩疼。不能自轉側。不嘔不渴。脈虛浮而濇者。桂枝附子湯主



之。此表寒也。經曰：少陰病，腹痛，四肢沉重疼痛，下利者，治以真武湯。此裏寒也。經曰：發汗已，身猶灼熱，名曰風溫。其症脈浮，汗出身重多眠，鼻息鼾，治以萎蕤湯。此表寒束其裏熱也。經曰：三陽合病，腹滿身重，口不仁，面垢，譫語，遺尿，自汗出，白虎湯主之。此表裏皆熱也。又陰陽易病，身重少氣，少腹裏急，氣上冲胸，眼中生花，宜用附子理中湯主之。此裏虛且寒也。

真武湯

見筋惕肉瞤

發黃濕熱俱盛，則發身黃。傷寒至於發黃，爲病亦甚矣。熱而兼濕，如膏麤相似。日久則變爲黃也。然不特濕熱發黃，而寒濕亦令人發黃。但寒濕之黃，身如薰黃色暗而不明，濕熱之黃



黃如橘色出染着衣正黃如柏也。又如瘀血發黃亦濕熱所致。瘀血與積熱薰蒸故見黃色也。去瘀生新而黃自退矣。  
梔子柏皮湯 傷寒發熱頭汗出小便不利渴飲水漿者此鬱熱在裏必發黃宜此湯主之

梔子 三錢

甘草 炙一錢

黃柏 二錢

水煎服

茵陳蒿湯 身黃如橘子色腹滿便閉者可下

茵陳 三錢

梔子 二錢

大黃 二錢

水煎服。小便當如皂角汁一宿而腹減黃如小便去也

茵陳五苓散 陰黃之症身冷脈沉細乃太陰經中寒濕身如



蕉黃不若陽黃之明如橘子色也當問其小便利與不利小便不利宜本方小便自利茵陳朮附湯主之

茵陳

白朮

茯苓 各一錢五分

猪苓

澤瀉 各七分

薄桂 五分

水煎服

茵陳朮附湯

茵陳 一錢

白朮 二錢

附子 五分

乾薑 五分

甘草 炙一錢

肉桂 三分 去皮

水煎服

痙者項脊強頭動搖口噤背反張是也此太陽傷風復感寒濕



所致其有汗惡風爲柔瘧。無汗惡寒爲剛瘧。加減小續命湯主之。然瘧有三陽經絡之殊。有胃府實熱所致。有三陰中寒所發。又有內傷氣血虛弱而發。不可不辨。假如頭搖口噤背反張者。太陽瘧也。頭低視下。手足牽引。肘膝相搆。陽明瘧也。若眼目斜視。一手一足搐搦者。少陽瘧也。又如口噤胸滿。臥不著席。脚攣急。大便閉結不通。必訥齒。此陽明胃府實熱所致。宜用三乙承氣湯下之。又如發熱脈沉細。手足厥冷。冷汗自出者。爲陰瘧。風寒中於臟也。附子理中湯加防風肉桂主之。然有內傷發瘧者。病人肝血不足。血燥生風。目斜手搐者。逍遙散加人參桑寄生主之。經云。諸風掉眩皆屬於肝是也。



若脾虛木旺反傷脾土用五味異功散加柴胡芍藥木香勾藤之屬脾氣鬱結用加味歸脾湯若大病後或產後氣血大虛用十全大補湯加勾藤桑寄生如不應急加附子此治瘧病之大法也

加減小續命湯

麻黃 去節

人參

黃芩

芍藥

甘草

川芎

杏仁

防己 各一錢

肉桂 五分

防風 一錢五分

附子 三分

水煎服。此症若兼陽明須加葛根升麻此症若兼少陽另用小柴胡加桂枝勾藤



三乙承氣湯

大黃二錢

枳實一錢

厚朴八分

甘草一錢

玄明粉

一錢五分

水煎服

斑疹凡發斑有四症。一曰傷寒。二曰溫毒。三曰時氣。四曰陰症。傷寒發斑者蓋因當汗不汗。當下不下。或妄投熱藥以致熱毒總結發為斑疹。千金方云紅赤者胃熱紫者熱甚紫黑者胃爛也。凡斑既出須得脈洪大有力身溫足暖為順。若脈沉小足冷元氣弱者為逆候也。凡治斑症不宜發汗。汗之則增斑毒。又不宜早下。下早則斑毒內陷。如脈洪數熱甚煩渴



者用三黃解毒湯或犀角大青龍湯。清之。若脈弱者。加入參主之。昏悶譫語。大便四五日不通。以調胃承氣湯微利之。如未可下。即用前犀角大青湯。加梨汁蜜糖以潤之。大抵解胃熱胃爛之毒。必以黃連大青犀角玄參升麻真青黛石膏知母黃芩山梔黃柏之類。要在審察病情。合宜而用之。溫毒發斑者。冬應寒而反溫。或冬令感寒。春夏之交。發為溫熱之病。熱毒蘊畜。發為斑也。犀角大青湯主之。時氣發斑者。天時不正之氣也。人或感之。或憎寒壯熱。發為斑疹。片大紅點。發於皮膚之上者。謂之斑。小紅點行於皮膚之中者。謂之疹。蓋疹輕而斑重也。疹發於肺。宜用升麻葛根湯。加大力子以



散之。斑出於胃。犀角大青湯以清之。若時氣傳染。中無實熱。加味逍遙散去白朮加玄參生地以解之。陰症發斑者。寒伏於下。逼其無根失守之火。聚於胸中。上薰於肺。致發斑點。如蚊蚤咬痕。此非斑也。與調中溫胃之劑。其點自退。理中湯主之。

### 三黃解毒湯

黃連 二錢

黃芩

黃柏

黑山梔 各一錢五分

水煎服

犀角大青湯

治斑出已盛。心煩大熱。錯語呻吟。不得眠。或咽

痛不利



犀角屑

大青

玄參

甘草

升麻

黃連

黃芩

黃柏

黑山龍各一錢五分

水煎服。口大渴加石膏。虛者加人參。

結胸痞氣經云。病發於陽而反証之熱入。因作結胸。病發於陰

而反下之。因作痞。陽三陽也。陰三陰也。傷寒邪在三陽。固不

可下。下之則爲結胸之惡候。卽邪已入三陰。而未結聚成實。

猶宜清解之。若下之太早。尚不免於痞氣。若結胸症重。痞症

輕也。大抵從胸至腹。鞭滿而痛。手不可近者。爲結胸。胸前痞

滿不舒者。爲痞氣。結胸症先用小陷胸湯。如或結實難解。更

用大陷胸湯攻之。痞氣症半夏瀉心湯主之。又有水結胸症。







大陷胸湯

結胸症服前藥不效須用此方

大黃

六錢去  
皮生用

芒硝

四錢

甘遂

一分五  
厘為末

右三味以水六鍾先煮大黃減半去渣納芒硝煮二三沸和  
甘遂末溫服得快利止後服

半夏瀉心湯

傷寒傳入三陰而未結聚成實醫早下之以致

胸中痞悶不舒者為痞氣宜用此方

半夏

洗

黃芩

乾薑

各一錢  
五分

人參

甘草

炙各  
五分

黃連

一錢

大棗

二箇  
去核

水煎服○本方加枳實五分為妙

白散

治寒熱結胸無熱症者此寒痰積食結於胸中故用此



方亦急救之良法

桔梗

貝母各三錢

巴莖一分去皮心  
葵黑研如脂

右三味為末、納巴莖、更於臼中杵之以白飲和勻、分二服、病在隔上必吐、在隔下必利、如不利、進熱粥一杯、若利不止、進冷粥一杯、即止、

枳實理中丸

枳實

兩五錢  
炒一

茯苓

白米

各二兩  
陳土炒

甘草

各五分  
錢

人參

五錢

乾薑

錢四

右為末、米飲糊丸、如菴莖大、每服三錢、開水下、日二三服、以瘥為度、



臟結病。人素有宿積。連於臍旁。更加新邪。痛引陰筋。此邪氣結實之候。爲難治。

振戰栗振者。聳動也。戰者。戰搖也。栗者。心跳也。虛症多有之。而邪正交爭。亦發戰栗也。須按兼症治之。

筋惕肉瞤。經云。陽氣者。精則養神。柔則養筋。發汗多。津液枯少。陽氣大虛。筋肉失養。故惕惕而跳。瞤瞤然而動也。急宜溫經益陽。真武湯主之。

真武湯 治傷寒發汗後。筋惕肉瞤。並治中寒下利。裏有水氣。而發咳或嘔吐腹痛。

茯苓 三錢

白芍

酒炒 三錢

白朮 二錢



生薑 二錢

附子 炮一錢五分

水煎服。○若咳者加五味子十粒、乾薑一錢五分。○若小便利、去茯苓。○若下利、去芍藥。○若嘔者、去附子、加生薑一倍。又手冒心發、汗過多、又手自冒心、心下悸、欲得按者、桂枝甘草湯主之。

驚悸心忪也。惕惕然跳動也。有氣虛者、有汗下過多、損津液者、有水氣者、當按症施治可也。

小便不利有數種。因小便汗下而不利者、津液不足也。黃疸熱病、小便不利者、鬱熱內蓄也。風濕相搏、與夫陽明中風而小便不利者、寒氣所乘也。更有氣虛而小便不利者、宜詳辨之。



遺溺傷寒遺溺乃危急之候下焦虛寒不能攝水多致遺溺理中四逆輩主之然三陽冷病每兼此症有用白虎湯者此熱甚而陰挺失職也太抵熱甚神昏者可治虛寒逆冷爲難治也若雜症遺尿多屬氣虛參芪歸朮湯治之

呃逆卽餒也氣自臍下直冲胸也或謂咳逆卽呃逆非也咳逆爲咳嗽與呃逆有何干涉大法傷寒當下失下胃火上冲而呃者其症燥渴內熱大便秘結大柴胡湯下之便不結瀉心湯主之三陰中寒胃氣欲絕而呃者其症厥冷惡寒下利清穀附子理中湯合丁香散溫之呃止則吉不止則凶也

扁散丁香散



丁香 五箇

柿蒂 五箇

甘草 炙五分

乾薑 一錢

爲末沸湯點服爲妙

懊懣懣即陷字 懊懣心中鬱鬱不舒比之煩悶有甚焉者由表

邪未盡乘虛內陷結伏於心胸之間也梔子豉湯吐之

梔子豉湯

梔子 三錢

香豉 五錢

水煎服服後隨手探吐之若加枳實名梔實梔子豉湯治前症並傷飲食

鬱冒昏冒而神不清俗謂昏憤是也經云諸虛乘寒者則爲厥

鬱冒不仁此寒氣上逆也法當溫補又陽明症小便不利大



便作難乍易時有微熱喘冒不得臥有燥屎也。法當下之。傷寒傳至五六日間漸變神昏不語。形貌如醉。或睡中獨語。或二句若與之以水則譤。不與則不思。醫者不識。投以承氣則誤矣。蓋不知此熱傳心包。絡手厥陰經也。與食則譤。邪不在胃。也不與則不思。神昏故也。邪熱既不在胃而在心痛。宜用導赤散合黃連解毒湯以清之。

### 導赤散

木通 一錢五分

生地 三錢

赤茯苓 二錢

燈心 二十節 水煎服

奔豚氣從少腹上冲心而痛。如江豚之上竄。此下焦陰冷之氣。



宜用薑附湯加肉桂吳萸肉茯苓主之。或以橘核小茴川棟子佐之尤效。

身熱惡寒。身寒惡熱。病人身大熱。反欲得近衣者。熱在皮膚。寒在骨髓也。身大寒。反不欲近衣者。寒在皮膚。熱在骨髓也。竊謂身熱反欲得近衣者。傷寒外感之屬也。身寒反不欲近衣者。熱邪內鬱之候也。然亦有欲得近衣而爲內熱者。火極以水也。亦有不欲近衣而爲裏寒者。水極似火也。是不可以不辨。

風溫濕溫傷寒發汗已。更感於風。身灼熱者。名曰風溫。風溫爲病。脈陰陽俱浮。自汗身重多眠。鼻息鼾語言難出。萎蕤湯主。



之濕溫者。其人常傷於濕。因而中暑。名曰濕溫。兩脛逆冷。胸滿。頭目痛。妄言多汗。其脈陽浮而陰小。切忌發汗。汗之名重。暈爲難治。蒼朮白虎湯主之。

風濕相搏。傷寒八九日。風濕相搏。身體煩疼。不能自轉側。不嘔。不渴。脈虛浮而濇者。桂枝附子湯主之。此症脈虛浮而濇。且不渴。故用此湯。若兼口渴者。則不可用也。

勞復食復。女勞復。大病後不宜勞動。若勞倦傷氣。無力與精神者。名曰勞復。補中益氣湯主之。若飲食傷脾。名曰食復。宜調胃氣以消積食。枳實梔子豉湯主之。若病後犯房事。以致病復。名曰女勞復。其症頭重不舉。目中生花。腰背疼痛。小腹裏



急絞痛以人參三白湯主之

人參三白湯

人參 二錢

白朮

白芍

白茯苓 各一錢五分

甘草 炙五分

附子 泡一錢

大棗 二枚

水煎服

陰陽易男子病新瘥與女子接其病遂遺於女女子病新瘥與男子接其病遂遺於男名曰陰陽易其症頭重不舉目中生花腰背疼痛小腹裏急絞痛與女勞復症候相似間有吐舌數寸者為大危人參三白湯主之

狐惑狐疑不決之狀內熱生蟲之候也上唇有瘡則蟲蝕其肺



名曰惑下唇有瘡則蟲蝕其肛名曰狐雄黃丸主之

雄黃

研

當歸

炒各七錢五分

檳榔

五錢

蘆薈

研

射香

研各二錢五分

右搗研為末煮麵糊為丸如桐子大每服二十九粥飲下日

三服

陽毒陰毒熱之極寒之甚至極而無復加者也陽毒則斑黃狂

亂陰毒則厥逆清穀身痛如被杖陰陽二毒多有兼咽痛者

各宜按症投劑大抵五月內可治過此恐難為力陽毒梔子

湯加入中黃主之陰毒四逆湯加葱白主之

梔子湯 治陽毒



升麻

黃芩

杏仁

石膏

錢各二

梔子

芍藥

知母

大青

錢各一

甘草

五分

柴胡

錢五分

豉豉

百粒

水煎服。加入中黃一錢尤效。

百合病。行住坐臥。若有神靈。其人默然。然意趣不樂。謂之百合

病。用百合知母湯主之。

百合

一枚

知母

二錢

水煎服。

壞病。本太陽病。若發汗。若吐。若下。若溫針。仍不解者。此為壞病。

桂枝不中與也。知犯何逆。隨症治之。按逆者。治不如法也。隨



症治之者見某症用某藥以救之也。古方悉以羊肉湯主之。恐未盡然。又是齋方。不論陰陽二症。或投藥錯悞。致患人抗。困垂危。七日後皆可服。傳者云。干不失一。用好人參一兩。去蘆薄切水一大升。於銀石器內煎至一盞。坐新汲水內取冷。作一服。汗不自他出。只在鼻梁尖上。涓涓如水。是其驗也。余嘗用之屢效。

### 羊肉湯方

當歸

白芍

各一錢五分

牡蠣

煨赤一錢

生薑

二錢

桂枝

五分

龍骨

煨赤四分

黑附

子一錢

子

泡去灰五分

右爲末。羊肉二兩。葱白二寸。以水二碗。熬減一半。以布濾絞。



去渣溫服

熱入血室。婦人傷寒。經水適來。適斷。邪氣乘虛。內陷於血海之中。以致晝則明了。夜則譫語。如見鬼狀者。是爲熱入血室。治法無犯胃氣。及上二焦。必自愈。宜用小柴胡湯。去半夏加桃仁。紅花生地丹皮之類主之。

陰躁似陽躁。陰極反發躁也。傷寒陽症發躁。必有渴便閉下利。腸垢或謔言妄語。脈必沉實有力。若直中陰寒。不應有躁。今反煩躁者。是物極則反。水極是火也。其症口燥渴。思得飲而不能飲。欲坐臥泥水之中。脈必沉遲無力。名曰陰躁。宜用溫劑。設或認爲陽躁而清之。誤之甚矣。



陽厥似陰厥陽厥者熱極而反厥也直中寒邪則手足厥冷。以傳經熱症而亦發厥者乃物極則反。火極似水也。書云熱深厥亦深。熱微厥亦微是也。但寒厥初病卽見熱厥則漸次而至大不同耳。

腫有三症。太陽風濕相搏。身微腫者宜疎風祛濕。陽明風熱耳前後腫者宜刺。大病瘥後腰以下腫者宜利小便。

除中傷寒六七日脈遲遲則爲寒。醫者不察反以涼藥徹其熱。腹中應冷不能食。今反能食名曰除中。言食下卽除去也。爲難治。試與索餅食之得餅發熱者除中不發熱者非除中也。氣上衝心腹裏氣時時上衝也。傳傷寒至厥陰消渴氣上冲心。



熱症也。經云：諸逆冲上，皆屬於火，是也。病如桂枝症，頭不痛，項不强，寸脈微浮，胸中痞鞭，氣上冲咽喉，不得息者，此為胸有寒也。當吐之，宜瓜蒂散。寒字當作痰字

### 瓜蒂散

瓜蒂

炒黃

赤小豆

等分

右研為細末，取一錢，用豉一撮，湯一碗，先漬之，須臾煎成稀糜，去渣取汁，和末藥五分溫服。藥下便臥，吐且忍之良久，再吐，如不吐，復如前進一服，以手指探之，即吐。如過時又不吐，飲熱湯一升，以助藥力。吐訖便可食。若服藥過多者，飲清水解之。



諸方補遺

薑附湯 溫中回陽

乾薑 三錢

熟附子 三錢

水煎服

香薷飲 見傷暑

桂枝附子湯 卽桂枝湯加附子

藿香正氣散 見傷暑

見太陽經症

保和湯 見心痛

補中益氣湯 見類中

二陳湯 見中風

枳榔散 見腳氣

四物湯 見虛勞

澤蘭湯 見腰痛

甘草附子湯 治風濕小便不利大便反快



甘草 炙

熟附子 各一錢

白朮

桂枝 各一錢五分

水煎溫服

麻黃附子細辛湯

溫經發表

麻黃

附子 各一錢

細辛 五分

生薑 三片

水煎服

八味湯 見類中

十棗湯 水停脇下、硬滿而痛、不可忍、乾嘔氣短、自汗出不惡寒



芫花

甘遂

大戟

等分爲末

水一鍾半、先煎大棗十枚、取八分、入藥末三分、溫服、若病不除、再服三分

桂枝加芍藥湯

見太陽經症

人參膏

用頂參六兩、水五碗、煎取二碗、復渣用水二碗、煎取

一碗、去渣、將三碗參汁合成一處、緩火煎熬、以筋嘗嘗攪之、候汁稠厚、卽成膏矣、凡救虛危將脫之症、得此爲善

六味湯

見類中

當歸補血湯

治血虛燥熱症、象白虎、誤服白虎者不治

黃芪

八錢

當歸

二錢

大棗

五枚



水煎服

酸棗仁湯

治汗下後虛煩不得眠

棗仁

炒透一錢

甘草

知母

麥冬

茯苓

各六分

乾薑

三分

水煎服

小青龍湯

治表不解有水氣乾嘔發熱而咳

麻黃

桂枝

芍藥

各一錢

半夏

一錢五分  
姜汁炒

甘草

炙

乾薑

細辛

各五分

五味子

七粒

水煎服

逍遙散

見類中

五味異功散



歸脾湯

十全大補湯

俱見虛症

桂枝甘草湯

即桂枝湯倍甘草  
見太陽經症

代抵當丸

見淋症